

Ciet Lungzbauq Binhyangz


□ Daenggingh cingjeix



▲ Aen yienhciegz ciet lungz-bauq Binhyangz.

▲ Bouxsae cingq diemj dalungz hairongh.

◀ Youq miuhgeq diemj dalungz hairongh.



▲ Lungzbauq haenq diuq.

Ciet lungzbauq Binhyangz dwg cungj ngoenzciet Guengjsae Binh-yangz Yen gag miz ndeu, dwg ngoenzciet ndawbiengz gyonjcomz lai yiengh hozdung haenx, youz vwnzva Bouxgun、Bouxcuengh doxyungz le doengzcaeaz hwngfat, miz doenghgij daegsaek minzcuz ronghsien、noengzna. Moix bi cieng cib'it gawjbanh.

Binyangz diuq lungzbauq cungj hozdung neix youq Ciuhsung hainduj miz, youq Ciuhsung hwngfat、baenz yiengh, youq Ciuhsingh duenh doeksat baenz ndei, miz cien bi nanz lo.

Ciet lungzbauq Binhyangz ndawde miz gyaqraiz cunz haw、hoihdaeng、diuq lungzbauq、caq lungzbauq、ndonj dunglungz、doxdawz cawlungz daengj hozdung. Ndawde, diuq lungzbauq ceiq hungnaek ceiq nauhyied, baugvat diemj lwgda hairongh、youz lungz、diuq lungzbauq、soengq lungz daengj hozdung.

Diemj lwgda hairongh. Cieng cib'it banhaemh caet diemj cung, youq ndaw miuh diemj lwgda haw lungzbauq hairongh: Youz bouxdaeuz (roxnaeuz bouxsae) haeb byoengq rouj gaeqboux, aeu lwed roujgaeq diemj dalungz hairongh liux le,

yaengq ndaej cuengq bauqciengh, lungz hix yaengq ndaej diuqyat hwnjroengz.

Youz lungz. Diemj lwgda hairongh liux le, doihyouzlungz aeu cawlungz、baizlungz (daenglungz)、laz gyong daengj hai roen, doihronghroen (daeng feizgaem) caeuq doihbaujlungz daj gyaeuj daengz rieng riengz lungz bae; ciuq gij roen gaxgonq dajsuenq ndei haenx baenaj, youq Binhyangz yienhsingz couhdwg Luzhih Cin Cunghhingh、Yungjvuj、Dungzyinz、Funghgyangh、Daibingz、Yinzai daengj diuzgai cunzyouz.

Diuq lungzbauq. Diuq lungz-bauq seiz vnzlai cuengq bauqciengh baeuh coq duzlungz haenq diuq; ndawbiengz vnz gangj "bauqciengh mbouj daengx, lungz caengz diuq sat", neix couh heuhguh lungzbauq. Lungzbauq youz bouxvixinx daeuz ok minghlingh, bouxdiaulungz cungj lohngenz, gyaeuj daenj mauh ndaem. Lungzbauq daengz giz lawz, giz haenx gak hoh gak ranz cungj youq song henz roen angqcoux, dawz doenghgij bauqciengh bwh ndei haenx okdaeuj cuengq, baeuh coq lungzbauq. Ndawbiengz nyinhnaeuz bauqciengh cuengq yied lai, duzlungz youq naj ranz youq yied nanz couh yied ndei, caemhcai nyinhnaeuz ciet lungz-

bauq miz doenghgij eiqsei dwg vnzlai sim gouz rumz swnh fwn yinz、seng' eiq hwnghoengh caeuq angq gya lwgbauj.

Soengq lungz. Lungzbauq diuq gvaq mbanj gvaq haw liuxle, doihdiuqlungz comz daengz dieg gaxgonq dingh ndei haenx, youz bouxdaeuz gawjhegz aen yizsi soengq lungz, liuxle cauxfeiz baeu lungz, soengq lungz hwnj mbwn bae.

Seizneix, ciet bauqlungz Binh-yangz dazyinx le lajmbwn haujlai hekyouz daeuj camgya, ndaej heuhguh "ciet haenqangq doengfueng".

2008 nienz 6 nyied 7 hauh, ciet lungzbauq Binhyangz ginggvaq Goz-vuyen baecinj ndaej liedhaeuj daihngaih buek guekgva gaep feihvuzciz vwnzva yizcanj mingzloeg.



▲ Haenqrengz roq gyong hauejcoengh diuqlungz.

▲ Duzlungz gvaq gyang haw.



▲ Lungzbauq boq "feiz".



▲ Diuq lungzbauq seiz yienhciegz feiz rongh bauq-ciengh migmyanz.



▲ Mehmbwk diuq lungz-bauq caemh ak dangqmaz.



▲ Vnzlai humx coh lungzbauq.



▲ "Duz lungzbauq" maenj-fofo haenx.